

2 Timoteo

Yaizézé ac.

¹ Anutuac ewa sinj niñac Kristo Yesuac qeriguc kekecac sisipac ac hezac imi méndacma Kristo Yesuac Méliméli ic wañi Paulo neñ mia ² nañ sorocna Timoteo guac muru kiwi yomi ogénzua. Mañgocnina Anutu zéma miñ kewunina Kristo Yesu iorarunec ewa hia zéma wésé ninin zéma luaenén hegémmac.

Min kewuac gamuga ménda nimmu.

³ Ni sinji kaiwe séc zéwelecma imuac suraiguc ménda misimanec niñgénanzua séc yanda hécna ionac murunec hénima hama deguc ewa qerina lalacnec mepésimianzinj Anutu iwac mia ewa hia ac ézéanzua. ⁴ Wañu ewa hia kunen yanda nimmanj niñac guac kic masiga niñqelima kic tanecga hémmañ niñac wañanzua. ⁵ Imi mia guac ewa qerigaiguc ninzén ninzén solañ hezac imi niñqelima imuhuc wañanzua. Ninzén ninzén imi mia walac awuga Loisi zéma neñgocga Yunike iorac ewa qerigiraiguc heyec imuhucyanén guaru acguc momacnec hezac imi ninzénngézua. ⁶ Imuac ni mérana orucgaiguc haiwa Anutunén ai memeac sese génec imi héiososoc mena geric bélañaguc wammac zénimma gi imuac nimbésémañ niñac wamma ac yomi gézézua. ⁷ Uñ Anutunén nénécmiyec imi bac yandi yandiac uñ qahac, néñ kuc zéma goi héihéi zéma niñgésigési galen meamuwinac

uŋa wanʒac. ⁸ Imuac gi imi miŋ kewuninawac héipuc ac imuac zéma miŋ kewuninawac wamma hésa ic keczua nuac momacnec gamuga ménda nimbésémaŋ, néŋ Anutuac kuhanéŋ buŋa suruc hiabiawac zéra béraiguc toroqe némbésémaŋ. ⁹ Anutunéŋ mehiaru nénécmima ac téréyanéŋ héihéré nénécmiyec. Waŋu imi mia wawaŋ memenina niŋac qahac, néŋ eŋeya ewa siŋ zéma nalé ménda hénima heyecnec becaru Kristo Yesuac wamma hemiyec ewa hiaya imuac mia wamma imuhuc waŋ nénécmiyec. ¹⁰ Waŋu imuac héra imi nalé yomuaru aŋgéŋ titi miŋina Kristo Yesunéŋ mayu hicŋitegirec. Inéŋ mia humuc néhélima kekec zéma haka hehe selia imi buŋa suruc hiabiaiguc meau nénémiyec. ¹¹ Waŋu ni imi buŋa suruc hiabia imuac wamma zézé ic zéma Yesuac Méliméli ic zéma kiwi ic kecmaŋ niŋac kumunéŋec. ¹² Waŋu ni ninzénge mima keczua iwac hénia niŋasarizua. Imuac moczoŋ yanda mériaiguc haiwa hezac imi inéŋ kuhanéŋ hiabianec galenŋ gémanec keru nalé yanda ducŋimac imi niŋhumuzua. Hénia imuac niŋac ni zéra waiya qahaiguc kecma gamuna ménda ninzua. ¹³ Gi imi Kristo Yesuac qeriaiguc ninzén ninzén zéma goi héihéi késa keczanŋ imuaru héima namma ac héra nuac murunec niŋnec imi méndacma wambésémaŋ. ¹⁴ Uŋa téréya qerini-naiguc kecanzac inéŋ naŋgégénu ac héra eeyaguc méragaiguc haigénji imi galenŋgéwésémaŋ.

¹⁵ Asia baeciguc ic embac keczu imi moczoŋ

wainéndacgic imi nindaczan.* Figelo zéma Hemogene imi eren acguc ic imuhucya ionac sugcinaiguc keczaoc. ¹⁶ Min kewunina imi Onesiforo iwac ama geric momac héra goigina héimac nin wanzua. Inén mia hatac sasala ségiségi mihicni némma hésa ic kecba nuac gamuya ménda nimma ¹⁷ Roma hakerec nalé imuaru seliseli wamma hocma mihicni néhec. ¹⁸ (Min kewuninanén nimmiyu nalé yandaiguc min kewuninawac murunec goi héihéi mihicnimac nin wanzua.) Inén Efeso baeciguc welen qege ai réwéria dimuhucya meyec imi gi genngaoc ninzan.

2

Kristo Yesuac téngin ic hiabia.

¹ Nanja, imuac gi Kristo Yesuac qeriaiguc ewa hia hezac imuac qeriaiguc seliseli wamma ² nen zéwa gi héipuc ic sasala ionac kicginaiguc ninnec imi ic tosara kenhéi hahéi qahac énézéna ienen imuhucyanec ic embac tosara ku énécmimuac séc wammac. ³ Imuac gi Kristo Yesuac téngin ic hiabia éséc nec niguc mena mewa wamma zéra waiya qahaiguc seligima kecbéséman. ⁴ Téngin ic kecma kenha wananzu imi enen qutulangé énécmima téngin ic qac buja énécmiyec i ségiségi mihicni mimu ninac enen kekecginawac ainén ménda qaté énécmiyu kecanzu. ⁵ Mén ogicqogic ariac mema hena zawéya hezac imi logimaciguc oruhaiguc ic kawaliac opoc mén ménda haimimu.

* **1:15:** Paulonén Roma baeciguc aciguc opocgic enec nalé imuaru hénarinj Asia baeciguc kecgic ienen héipuc ménda wammigic imuac ninac imuhuc zézac.

⁶ Ai ic mén ai geriwiguc meanzac iminén imuac héla walac memacac hezac. ⁷ Ac gézézua imi qeriganén nimbéséman, min kewuninanén ai hénia héniaiguc nintegic qintegic haigémmac.

⁸ Buṇa suruc hiabia gézéwa ninnec séc Daw-idiac qeli Kristo Yesu humuc igucnec meqelimiya yarec i ninqeliwéséman. ⁹ Buṇa suruc hiabiawac ninac wamma ni kápésic ic ésécnec seṇ hésanén qaté némmuac séc zéra béra mihicni néngic, néṇ Anutuac ackuazéc imi qatémuac séc qahac.

¹⁰ Imuac ni ic embac Anutunén megési énécmiyec ionac nin wamma iwawai moczon bisiqatén waṇanzua. Imi mia ieneṇ acguc Kristo Yesuac qeriaiguc aṇgén titi hakaya hezac imi zéma edamuya tetcgia qahac imi momacnec énécmiyu memu ninac imuhuc waṇanzua. ¹¹ Ac yomi hélaguc, nini Min Kewuninaguc momacnec humuziniguc imuhucyanec i guc momacnec qelima kecbin. ¹² Qenzen manzeniguc meseliwiniguc momacnec ic kewu wamma kecbin. Waṇu min kewunina qaecgé miwiniguc i acguc qaecgé nénécmimac. ¹³ Nini ménzé ménzé wambinac séc, néṇ inén eṇeya qaecgé amumacac séc qahac, imuac nin nalé séc ménzé ménzéya qahac kecanzac.

Ai ic Anutunén ninmimia.

¹⁴ Eluṇ unuwac ninac, gi ac imi héiqeli énécmima acac zéen zéma ménda wammu ninac Anutuac* kiwaiguc selianec énézéna. Haka imuhucya imi nangé énécmimacac séc

* **2:14:** Kiwi méraginanén ooya tosaraiguc Min kewu zéma Kristo ogic hezac.

qahac, nérj nérwécgeṇac ac imuhucya ninzu i mebirí énécmianzac. ¹⁵ Gi imi ac héla imi dindinaneṇ nín tegicma ai ic gamu qeqeya qahac zéma nín gém macac séc, Anutuac wéséyaiguc geṇga mihicṇi amumaṇ zé nimma seliseliiguc aiga mewésémaṇ. ¹⁶ Ac biria gorosona zégic nér gacma kecbésémaṇ. Ac imuhuc waṇan zu imi eneṇ keṇkeṇ macma keṇkeṇ macma iwawai eeyaguc qahac imuac mia keremmu. ¹⁷ Ac ginanéṇ wizi selia éséc nec saima kemmac. Ic imuhucya ionac sugcinaiguc Humeneo zéma Fileto keczaoc. ¹⁸ Humuc iguc nec yayac imi bec hicṇiyu tecgéyec zéma ac héla imi zésigima énézéc ic tosara ionac nín zéṇ nín zéṇ gina melemma bacgéanzac. ¹⁹ Nérj Anutuac séraṇ selia imi asé kiwiya yomuhucyaguc hiṇ gac seligima nanzac. Miṇ kewuninanéṇ eṇeya buṇahéra inic tegicanzac. Waṇu mén yomuhuc; Miṇ kewuninawac qara qacma kecanzu séc biria héṇ acya memu. ²⁰ Ama kewuyaiguc zéic goli zéma siliwanéṇ memeya zéma zéic icnéṇ nec memeya zéma baecnéṇ nec memeya momac nec taczac. Taru zéic tosara imi ai eeyagucac késaan zu, nérj tosara imi ai eṇ omiawac késaan zu. ²¹ Imuac ménéṇ mén haka imuhucya zuac amuma lalac nec kecmac imi zéic eeyaguc éséc wammac. Imuhuc waṇu miṇ kewuginanéṇ késamacac séc zéic téréya wammac. Téréya waṇu ai hiabia hénia hénia wac haiyu mambéc kecmac. ²² Waṇu gi imi sac qeliac séwiac siṇ imi qizizigéma qeri lalac nec miṇ kewuninawac qacmian zu iniguc momac nec haka solana zéma nín zéṇ nín zéṇ zéma goi héihéi

zéma luae niṇac méndacma kemmu. ²³ Waṇu ac sicsaocya zéma ac qelaṇawac zéen zéma haka imi waina keṇu. Ac imuhucya igucnec tualefic acnéṇ hicṇianzac. ²⁴ Miṇ kewuninawac welenṇ qeṇe ic imi, acnéṇ ménda euma, ic embac moczoṇ ionac gum bénzénzén wamma, hiabianec ku énécmima, haka biria waṇṇic kilenṇ bisiqatéṇ waṇ énécmianzac. ²⁵ Waṇu ic tosara enenṇ ac qeṇe waṇṇic qeri bénzéniguc pakenṇ ac waṇ énécmima. Anutu eṇeyaoc qerigina melenṇ énécmimaṇ zé nimma niṇ énécmimaciguc ac héla niṇtegicmu. ²⁶ Waṇu qerigina béréṇgéyu Biria miṇinawac ac bétacya zéma iwac ewa siṇ qaté énécmima hezac imi hetecgé amuma néṇṇacmu.

3

Nalé tetcgiaiguc ic embac ionac kekec tanera imi dimuhuc wammac.

¹ Nalé tetcgémaṇ zé waṇu yéwéri naléya imi hamac. ² Ic embac ienenṇ eṇaṇ sac siṇniṇ waṇamuma soukiwawac siṇ yanda nimma séwi eṇenṇ wamma tétéc qeṇe wamma zébiri qébiri wamma neṇṇoc maṇṇoc ac qeṇe waṇ érécmima, nema nelumma, ee héihéi qahac kecma ³ goi héihéi qahac kecma képésic ménda wai amuma ac zéráguc kuaiguc haihai wamma qeri siṇgina ménda helanzima tiktuk wamma iwawai hiabiawac mézétiti wamma ⁴ andé qeamuma luaeguc ménda mambéc kecma eṇeya meyacamuma Anutuac siṇ qahac, néṇ néwécgeṇaiguc eṇeya séwias siṇ niṇac wamma ⁵ Anutu ee héihéi wammimia tanec kecma

Anutu ee héihéi imuac kuha imi qaecgéma kecanzu. Wanu gi imi ic imuhucya héñacgina mewésémanj. ⁶ Ic imuhucya sucginaiguc tosara enen amaginaiguc emma embac bobologocya, képésic réwéria serima séwíac síñ hénia hénianénj hérémíyu kenkenja imuhucya héréma énépésianzu. ⁷ Embac imuhucya imi nalé séc niníñ ninarenj wammu, néñ ac héra niníñaguc keremmuac séc qahac wammac. ⁸ Becnec Yane zéma Yambere* ierenj Moseac hazéc wammíyoc ésécnec ienenj acguc ac hélawac hazéc wammianzu. Wanu ienenj imi ewa qeriginanénj houyu ninzénj ninzénjac hénaguc kenj bipigic. ⁹ Wanu ic éréhéc ioraru hicñiyec ésécnec ienenj acguc horua ménda kenjicnec hakagina qelana imi wininiyu héndacmu.

Pauloac pakenj ac tetcgia.

¹⁰ Nuac pakenj ac zéma wawanj meme zéma ewa síñna zéma ninzénj ninzénj zéma luaenénj mambéc kekec zéma goi héihéi zéma nananj seliseli zéma ¹¹ nunesi wanj nénéña zéma qenzenj manzenj zéma Antiokia zéma Ikonion ama arenja yandaiguc haka biria wannénjic imi zéma nunesi dimuhucya mihicñiyi imi genj hélacnec héndacma ninjtegicnec ésécnec minj kewuninanénj haka imuhucya igucnec ni metecgé néñec. ¹² Wanu ic méñnéñ méñ Kristo Yesuac qeriaiguc kekec eeyaguc kechinj zé wammu ienenj acguc ununesi

* **3:8:** Yane zéma Yambere; Qac éréhéc yomi sisipac ac waha-laiguc ménda hezac, néñ sasalanénj méra kiwi ic éréhéc Moseguc euma méra kiwi meyoc iorac qacgira zéma ninzénjéanzu. (Mmh 7:11,22)

mihicñimuac hezac. ¹³ Ic biria zéma ikoc ic ienen munꝓuc yanda biri seligima eñaꝓ ikoc waꝓ énécmigic imuhucyanec ikoc waꝓ énécmima kecmu. ¹⁴ Nén gi imi ackuazéc héiqelima ninzéngeanzaꝓ imuac naꝓselima kecbésémaꝓ. Mérénén kugénꝓic ninarengénec imi genꝓaoc ninzaꝓ. ¹⁵ Waꝓu gi komocga igucnec kiwi téréya imi oloꝓ niꝓ waꝓanzaꝓ. Kiwi téréya iminén mia kuhanén ninꝓegic qinꝓegic mihicni gēꝓu, Kristo Yesuac qeriaiguc ninzén ninzén késa keczaꝓ, ninzén ninzén imuac héima namma aꝓgén titi hia mihicñiwésémaꝓ. ¹⁶ Kiwi téréya imi moczoꝓ Anutunén hinocgé énécmiyu ogic. Imuac iminén méra nénécmiyu pakeꝓ zéma zémindi mindiꝓi zéma meqeliqeli zéma kekec solaꝓawac qeriaiguc meefiefi ai hia mewiꝓ. ¹⁷ Imi mia neꝓaꝓ Anutuac ichéra séc ai hiabia hénia hénia hia wambiꝓac séc solaꝓaniwiꝓ ninꝓac imuhuc waꝓ nénécmianzaꝓ.

4

¹ Ni Anutuac kiwaiguc zéma Kristo Yesu kecma kic qeli zéma humumia momacnec ninꝓési nénécmimac iwac hahaya zéma iwac hénꝓaleꝓ amaya ninꝓac wamma zéseligénzua. ² Gi ackuazéc téréya imi zésai énécmiwésémaꝓ. Nalé hia me nalé biriawac séc momacnec seliseli wamma ai imi mewésémaꝓ. Waꝓu réwéri horugiꝓu naꝓselimanec ackuazéc iminén ku énécmima képsicgina zéasari énécmima ac zéénécmima meseli énécmiwésémaꝓ. ³ Kecma nalé mén hayu ic embac ienen pakeꝓ ac héra imuac andé unuma kiwi ic ikora tosara gezacgina siꝓa méndacma eñaꝓ siꝓginawac séc énézégic méndac énécmimu.

⁴ Wañu ac hélawac andé qema nemu surucac gezacgina haimu. ⁵ Wañu gi mia ai imuac me imuac séc mesigi wañamuma zéra waiya seligima buña suruc hiabia imuac ai wamma aiga imi séha séc meyacdacna.

⁶ Ni wainj sese* éséc nec kekecna bec pocgéwa kenkenj naléna imi ducñima hazac. ⁷ Ni yaré hiabiawac qema héná kemmanj zé zénénec imi kenj metecgéma ninzénj ninzénjna galengéma kecanzua. ⁸ Imuac bianj kecma nuac ninj wamma haka solañawac opoc nuac buña haiyu mambécnawac hemac. Imi mia minj kewunina zégésigési ic solaña inénj mia nalé ninj hezac imuaru ni némmac. Wañu nenanec sac qahac ic embac Minj Kewunina munjuc winini nénécmimac imuac wañanzu moczonj yanda momacnec énécmimac.

⁹ Gi focdac nuacmuru hawésémanj. ¹⁰ Dema imi baecac iwawai ninjac wamma wainémma Tesalonika ama arenja yandaiguc kenjec. Wañu Kreske imi Galatiaiguc, Tito imi Dalmatia baeciguc kendaroc. ¹¹ Luka momacguc sac niguc keczac. Hamañ zé wamma Mareko wagicna momacnec hamaoc. Inénj ainawac méra nénéñawac séc wanzac. ¹² Tikiko mia méliwa Efeso ama arenja yandaiguc kenjec. ¹³ Wañu hamañ zé wamma hénawac malekuna Troa amaiguc Karpo iwac amaiguc hetecgé haiyi imi mema hawésémanj. Wañu kiwina imi kiwi limbi limbiña tosara zéma kiwi yanj séwélanénj memeya imi momacnec

* **4:6:** Wainj sese; 3ucmanañ ai mewinj zé nalé tosaraiguc doku me wainj pocgémianjic.

mema hawésémaṇ. ¹⁴ Aiṇnéṇ iwawai meme ic Aleksande imi biria sasalanec wannéṇec imuac haka waṇec séciguc miṇ kewuninanéṇ tasé kumimac. ¹⁵ Gi acguc iwac mia galen mewésémaṇ. Ic imi acnina selianec qeṇetali waṇ nénécmiyec.

¹⁶ Ni walac aciguc emma zéirecgéyi nalé imuaru ala ménéṇéṇ mén héipuc ménda wannemma moczoṇ wai néndacgic. Néṇ késpedes ginaguc ménda zé énécmimac niṇ wanzua. ¹⁷ Neṇ héna ac imi zésaiwa keṇu ic enia ienen nin-dacmu niṇac wamma Miṇ Kewuninanéṇ niguc namma meseli néṇec. Waṇu laion kuagina igucnec metecgé néṇec.† ¹⁸ Miṇ kewuninanéṇ neṇ kurumenṇac héngalen amayaiguc keremman niṇac biria imuac me imuacnec metecgé némma aṇgéṇna timac. Imuac iwaru mia edamuya nalé tetcgia qahac hemac. Hélacnec!

Mozoc ac.

¹⁹ Priska zéma Akila zéma Onesiforo ionac ama geric momachéra yaizézéna énézéna. ²⁰ Erasito imi Korinti ama areṇa yandaiguc waima kerec waṇu Tirofimo imi hafi kiyu Milete ama areṇa yandaiguc waima hayi. ²¹ Saṇgeṇa naléya ménda ducniyu foc hawésémaṇ. Eubulo, Pude, Lino, Kilaudia zéma ala sasala ienen imuhucyanec guac yaizézéga zézu. ²² Ni imi Miṇ Kewuninanéṇ guac ewa qerigaiguc momacnec kecmac niṇ wanzua. Ewa hiayanéṇ iniguc hemac.

† 4:17: Hésa ama igucnec mayec imuac séséc ac imuhuc zézac.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 11 Nov 2022 from source files dated 9 Oct 2020

0403b50f-078d-52e2-a203-056e8a430665